

Tecla Kelly di SAC:

Ora di bin cu cambio bo mester semper check e pro- y contra-



ORANJESTAD (AAN): Temporada di carnaval ta tras di lomba, pero e peticionnan pa SAC bin back como organizacion oficial pa Carnaval, en especial Señora Tecla Kelly, ta sigui. Den un entrevista recién cu Tecla Kelly, el a duna su pensamiento ariba carnaval despues di 5 año cu SAC a organiza su ultimo carnaval.

CINCO AÑA DESPUES:

Semper tur hende a tira culpa ariba SAC, of su presidente Tecla Kelly y pesey a lanta un organizacion nobo pa organiza Carnaval. SAC a keda un banda y e organizacion nobo a organiza e evento aki pa e ultimo 5 añanan. Señora Tecla ta duna un pabien na e lidernan di grupo, y tambe un pabien grandi pa e participantenan. Pasobra e sa cu "carnaval" ta danki na e participantenan.

Segun Kelly, hende mester stop di imita cosnan di otro, y específicamente cierto cosnan aki na Aruba, no mester.

E participantenan cu ta

e principal aspecto di Carnaval, ta importante! Si no tin participante, no tin carnaval. Tin yen hende para cant'i caminda, unda cu ta wak gruponan di 5 pa 10 hende ta bin abao. E amor pa carnaval ta hinca den nos pueblo, esey ta carnaval.

Tin hopi cos, caminda cu Señora Tecla a keda keto, ya cu no ta na su luga, pa no hinca su mes den nada, pa no stroba nada. El a duna tur hende e libertad pa haci loke nan ta kere cu nan ta haci bon, pasobra cu tin cosnan cu nan tin cu mire, check e pakico, y si e ta comprensible of no.

Loke SAC a haci tabata pa hala un banda pa mira ki innovacion a bin cune

ultimo añanan. Unico cos nobo visible tabata e 'sangerjong'. Pero e sangerjong aki tambe tin cu 'bira grandi' un dia, tog e experiencia ta hopi esencial. A nota cu hopi biaha pueblo a haci pregunta sin cu por a haya contesta, y esey ta un lastima. Pasobra segun Kelly, ora cu un organizacion haci algo, mester busca su background, prome cu bin cu e contesta.

EVENTO:

SAC ta pensa, cu si acaso bo cambia un evento, bo

tin di check kico ta e pro y contra, prome cu haci e cambio. Tur esunnan cu a traha cu SAC, sa di esey. Aki tin di muestra cu no ta djis e "Raad van Beheer" so a traha. Nunca nan a traha nan so, pero semper cu sosten di hopi boluntario. Tabatin varios boluntario di SAC den e organizacion aki, y nan a traha duro pa e amor grandi cu nan tin pa carnaval y nan sa kico mas o menos con SAC a traha.

TEMPO PA WARDAR:

A haci entrega di un pe-

ticion na Gobierno. Awor nan lo warda mas o menos 14 dia di trabao (kitando dianan liber) pa haya un contesta. Y nan mester sa caba kico ta kico, ya cu SAC ta custumbra di cuminsa traha di biaha despus di Carnaval.

Pero aworaki SAC no sa nada, ya cu nan mester warda. Y si en caso cu SAC no haya e permiso mes, nan lo informa pueblo pa e sa cu SAC ta willing pa haci esaki otro año, y esaki ta a base di peticion popular.